

**Umiartortut atorfinitsitaasarnerannut pissutsit pillugit inatsimmi Kalaallit Nunaanni naalagaaffigisami nangaanartitanik pillugu atuukkunnaartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut**

*Inatsisartunut ilaasortaq Ane Hansen, Inuit Ataqatigiit*

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip aappassaaneerpeqarneranut**

**ILASSUTITUT ISUMALIUTISSIISUTAA**

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Peter Olsen, Inuit Ataqatigiit, siulittaasoq

Inatsisartunut ilaasortaq Randi V. Evaldsen, Demokraatit, siulittaasup tullia

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Jens-Erik Kirkegaard, Siumut

Inatsisartunut ilaasortaq Knud Kristiansen, Siumut

Inatsisartunut ilaasortaq Kelly Berthelsen, Inuit Ataqatigiit

Inatsisartunut ilaasortaq Per Rosing-Petersen, Partii Naleraq

Siunnersuutip Inuussutissarsiornermut Aatsitassanullu Ataatsimiititaliamit suliareqqinneqarnissaa siunertaralugu siunnersuut ulloq 23. maj 2017 aappassaaneerpeqarmat Inatsisartut suleriaasianni § 34, imm. 5 naapertorlugu suliarinninneq unitsinneqarpoq.

Siunnersuutip aappassaaneerpeqarneranut isumaliutissiisummini ataatsimiititaliap allannguutissatut siunnersuummik saqqummiussivoq. Siunnersuutaqqaartoq kiisalu allannguutissatut siunnersuut UKA 2015-imi siullermeerinninnermi Siumumit saqqummiunneqartoq aammalu imarsiornermut suliassa qarfiup nunatsinnut nuunneqarnissaanut tunngasoq ataatsimiititaliap allannguutissatut siunnersuutigeqqaagaani ataatsimoortinniarneqarsimapput.

Ataatsimiititaliamit oqallisiginneqqinnerup kingorna allannguutissatut siunnersuutini siusinnerusukkat saqqummiussani iluarsiiisuteqarfigissallugu ataatsimiititaliap aalajangiuppa, taamaaliornikkut siunnersuuteqartup siunnersuutigeqqaagaa kisimi isummerfigineqarluni. Inatsisartut inatsisaat nr. 2, 24. april 1986-imeersoq umiartortut isumaqatigiissusioqatigineqartarnerannut tunngasoq ilisimaneqarmat tassunga atatillugu ataatsimiititaliamit oqaatigineqassaaq.

Siunnersuutip taasissutissartaani oqaasertat erseqqissarneqarnissaat siunertaralugit allannguutissatut siunnersuut iluarsisaaq ataatsimiititaliap taamaalilluni saqqummiuppaa. Kiisalu Inatsisartut Suleriaasianni § 33, imm. 6, nr. 3-mi inatsisit Danmarkimi atuuttut Kalaallit Nunaannut atortussanngortinniarnaqartut pillugit Inatsisartut oqaaseqaatissaattut siunnersuutit Naalakkersuisunit Inatsisartut aalajangiiffigisassaattut siunnersuutit suliarineqartarnissaannik allassimasut allannguutissatut siunnersuummini iluarsisami ataatsimiititaliap ilanngullugit isiginiarpai.

Inuussutissarsiornermut Aatsitassanullu Ataatsimiititaliap allannguutissatut siunnersuutaa iluarsisaaq:

**Umiartortut atorfinitsitaasarnerannut pissutsit pillugit inatsisip, Kalaallit Nunaanni pissutsit immikkut ittut malitsigisaannik allannguuteqartinneqarluni, Kalaallit Nunaannut atuutsinneqalernissaa pillugu peqqussutissatut missingiusiap taparserneqarnissaannik Inatsisartut periarfissinneqarnissaat siunertaralugu Naalakkersuisut danskit Naalakkersuisuinut saaffiginninnissamut peqquneqarnissaannik Inatsisartut aalajangiiffigisassaattut siunnersuut.**

Taamaaliornikkut umiartortut atorfinitsitaasarnerannut pissutsit pillugit inatsisip atuutsinneqalernissaa pillugu peqqussutissatut missingiusiamik, Inatsisartunut oqaaseqarfigisassanngorlugu saqqummiunneqarsinnaasumik, suliaqarnissaaq siunertaralugu Naalakkersuisut danskit naalakkersuisuinut saaffiginninnissamik allannguutissatut siunnersuutikkut peqquneqassapput.

### **Ataatsimiititaliap inassuteqaatai**

Inuussutissarsiornermut Aatsitassanullu Ataatsimiititaliap **isumaqatigiittup** ataatsimiititaliap allannguutissatut siunnersuutaa iluarsisaaq akuerineqassasoq **inassutigaa**.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Peter Olsen, Siulittaasoq



Randi Vestergaard Evaldsen




Nikolaj Jeremiassen




Jens-Erik Kirkegaard



Knud Kristiansen



Kelly Berthelsen



Per Rosing-Petersen